

ADMINISTRACIÓN DEL ESTADO

MINISTERIO DE HACIENDA Y ADMINISTRACIONES PÚBLICAS **DELEGACIÓN DE ECONOMÍA Y HACIENDA DE PONTEVEDRA**

GERENCIA TERRITORIAL DEL CATASTRO DE PONTEVEDRA

EDICTO

La Directora General del Catastro, mediante Resolución de fecha 25-07-2014, ha estimado el recurso de reposición, incoado por D. José María González Puerto, contra la Ponencia de Valores de los Bienes Inmuebles de Naturaleza Urbana del término municipal de Sanxenxo.

Las modificaciones acordadas en dicha Ponencia como consecuencia de la estimación del recurso indicado, se encuentran expuestas al público en la Gerencia Territorial del Catastro de Pontevedra, calle Andrés Muruais, 4 (Pontevedra), durante el plazo de quince días hábiles contados a partir del siguiente a la publicación de este anuncio en el Boletín Oficial de la Provincia.

Contra la indicada Resolución podrá interponerse, por las personas físicas o jurídicas afectadas, reclamación económico-administrativa ante el Tribunal Económico-Administrativo Central en el plazo de UN MES contado a partir del día siguiente a aquél en que expire la exposición pública.

Pontevedra, 14 de octubre de 2014.—El Gerente Territorial, Fernando Baena Ozores. **2014008639**

XUNTA DE GALICIA **CONSELLERÍA DE TRABALLO E BENESTAR**

XEFATURA TERRITORIAL DE VIGO

Servizo de Traballo e Economía Social

CONVENIO O ACORDO: ALMACENES, SERVICIOS Y RECUPERACIONES SL (ALSERVI SL)

Código de Convenio número 36003222012000

Visto o Acordo da Comisión Negociadora, polo que se aproba o texto do convenio colectivo da empresa ALMACENES SERVICIOS Y RECUPERACIONES, SL (ALSERVI, SL), subscrito en representación da parte económica, por unha representación da empresa e da parte social polo comité de empresa en data 14 de xullo de 2014.

Primeiro.—Dito Convenio foi presentado na Xefatura Territorial de Vigo en data 20 de agosto de 2014.

Segundo.—Que no mesmo non se aprecia nengunha infracción da legalidade vixente e as súas cláusulas non conteñen estipulacións en perxuizo de terceiros.

FUNDAMENTOS DE DEREITO

Primeiro.—Que o artigo 90.2 y 3 do Real Decreto Legislativo 1/1995, de 24 de marzo, do Estatuto dos Traballadores, outorga facultades a Autoridade laboral competente en orden ao rexistro, publicación, depósito e notificación dos Acordos Colectivos pactados no ámbito da súa competencia.

Segundo.—Real Decreto 713/2010, de 28 de mayo, sobre Rexistro e Depósito dos convenios e acordos colectivos de traballo.

Terceiro.—Real decreto 2412/82, do 24 de xullo, sobre traspaso de funcións e servizos da Administración do Estado á Comunidade Autónoma de Galicia, en materia de traballo,

Esta xefatura territorial,

ACORDA:

Primeiro.—Ordenar o seu rexistro e depósito no Rexistro de Convenios e Acordos Colectivos de Traballo da Comunidade Autónoma de Galicia, creado mediante Orde do 29 de outubro de 2010 (DOG nº 222, do 18.11.2010).

Segundo.—Dispoñer a súa publicación no Boletín Oficial da Provincia.

Terceiro.—Ordenar a notificación desta Resolución a Mesa Negociadora do mesmo.

**CONVENIO COLECTIVO DE ALSERVI, S.L.
(ANOS 2014-2015-2016)**

ART. 1.—ÁMBITO DE APLICACIÓN

Este Convenio regulará as condicións ás que se deberán axustar as relacións económicas e laborais de ALSERVI, S.L. e os seus traballadores, tanto os actuais como aqueles que se incorporen no futuro.

Aplicarase a tódolos centros de traballo actuais da Empresa, así coma calquera outro centro ou lugar de traballo que Alservi chegue a ter dentro do Estado Español. Así mesmo, tamén será aplicable ós traballadores desprazados en lugares distintos o seu centro de traballo dentro do Estado Español (ver disposición adicional QUINTA)

ART. 2.—VIXENCIA

O Convenio Colectivo terá unha vixencia de tres anos entrando en vigor a partir do 1º de xaneiro do 2014 e finalizando o 31 de decembro do 2016.

ART. 3.—PRÓRROGA E DENUNCIA

Quedarán automaticamente denunciados, con 3 meses de antelación, prorrogándose o actual Convenio ata a entrada en vigor do seguinte.

ART. 4.—VINCULACIÓN Á TOTALIDADE

As condicións aquí pactadas forman un todo orgánico e indivisible e para efectos da súa aplicación práctica serán consideradas globalmente.

ART. 5.—GARANTÍAS PERSOAIS

Respectaranse a título individual as condicións económicas que fosen superiores ás establecidas neste Convenio, consideradas no seu conxunto e en cómputo anual.

CAPÍTULO II.—EMPREGO E CONTRATACIÓN

ART. 6.—CRITERIOS XERAIS

Cando existan vacantes e sexa necesario cubrilas, comunicaranse ao Comité de Empresa e publicaranse nos taboleiros de anuncios. O criterio de selección manterase cos criterios actuais de avaliación da actitudes e aptitudes que presente o traballador así como o nivel de formación achegado no C.V. aínda que se teñan en conta todos os C.V entregados, así como os fillos dos produtores e os traballadores que xa estean na empresa.

ART. 7.—CONTRATO DE TRABAJO

O contrato de traballo será subscrito entre a empresa e o traballador por escrito, con entrega a este dun exemplar dentro dos 15 días seguintes á súa incorporación, de conformidade con calquera dos modelos aprobados por disposición de carácter normativo, que necesariamente deberá ser inscrito na oficina de emprego.

Farase constar en todos os contratos de traballo o contido xeral das condicións que se pacten e o grupo profesional ou a categoría na que se encadre o traballador, e en todo caso o contido mínimo do contrato.

Considerarase como contido mínimo do contrato a fixación no mesmo de:

- A identificación completa das partes contratantes, a localización xeográfica e denominación se é o caso do centro/s de traballo ao que queda adscrito o traballador, domicilio da sede social da empresa, nivel ou categoría profesional, especialidade, a retribución total anual inicialmente pactada e o convenio aplicábel.

Entregarase unha copia básica dos contratos que se formalicen por escrito á representación dos traballadores.

A empresa notificará aos representantes legais dos traballadores as prórrogas dos contratos de traballo dos que xa lle entregara copia básica, así como as denuncias correspondentes a estes.

Os períodos de proba para o persoal de novo ingreso serán os seguintes:

Técnicos titulados:	6 meses
Técnicos non titulados:	2 meses
Administrativos:	2 meses
Especialistas	2 meses

No que non estea regulado, estarase ao disposto no artigo 14 do Estatuto dos Traballadores.

ART. 8.—CONTRATACIÓN EVENTUAL

As partes asinantes deste Convenio, para unha maior estabilidade no emprego, acordan fomentar a contratación indefinida, partindo da base da eventualidade da natureza dos traballos que realizamos e a situación actual da produción dos nosos principais clientes, establecendo 12 novas contratacións indefinidas durante a vixencia do Convenio (das cales 5 realizaranse no mes de setembro). En calquera caso, se durante a vixencia do Convenio se realizan traballos cun maior índice de estabilidade e sendo vontade da empresa o fomentar a estabilidade, poderase aumentar o nº de indefinidos, realizando a súa elección utilizando as prioridades de:

Antigüidade na empresa
Capacidade profesional
Preparación profesional
Cargo desempeñado
Aptitudes demostradas

A todos os traballadores contratados que prestaron servizos na empresa teráselles en conta o tempo anteriormente traballado para determinar a súa categoría profesional, sempre que non transcorresen máis de 6 meses desde a finalización do anterior contrato.

a) Contrato en prácticas

Neste apartado remítese á lexislación vixente, no que se refire ao salario:

A retribución mínima dos traballadores contratados baixo esta modalidade será do 85% durante o primeiro ano e do 95% durante o segundo, do salario fixado en Convenio para un traballador que desempeñe o mesmo ou equivalente posto de traballo.

b) Contratos de formación

Neste apartado remítese á lexislación vixente, no que se refire ao salario:

A retribución será o S.M.I para o primeiro ano. Para o 2º ano será o S.M.I. máis o 10% do devandito salario. Sempre en proporción ao tempo de traballo efectivo.

c) Contratos a tempo parcial

Remitímonos ao pacto de horas complementarias.

- d) Contratos eventuais de duración determinada por circunstancias da produción, por acumulación de tarefas ou exceso de pedidos.

Segundo o previsto no art. 15.1.b) o Estatuto dos Traballadores, e para os únicos efectos da duración máxima destes contratos, entenderase como convenio sectorial aplicábel de referencia o das Empresas Siderometalúrxicas sen convenio propio da provincia de Pontevedra.

- e) Contrato de obra ou servizo determinado

No contrato farase constar, de forma clara e precisa a identificación da obra ou servizo para o cal se contrata o traballador.

Identifícanse como traballos que poden cubrirse co mencionado contrato, os que teñan por obxecto a realización dunha actividade contratada por un terceiro por tempo determinado e aqueles que teñan por obxecto a selección, recuperación, verificación, control, ensamblaxe e premontaxe de pezas e accesorios con substantividade propia.

Con carácter xeral será para unha soa obra e a duración máxima desta modalidade axustarase á obra ou servizo contratado tanto na súa duración como no seu contido.

ART. 9.—SUBCONTRATACIÓN

No que se refire a este apartado remítese á lexislación vixente.

ART. 10.—EMPRESAS DE TRABAJO TEMPORAL

Como política de empresa, utilizará os servizos de E.T.T. nos supostos de substitución por I.T., vacacións, licenzas e debido á actividade da empresa nos imprevistos de traballo, pedidos puntuais e urxentes, os cales comunicaranse ó comité de empresa.

ART. 11.—PREAVISO FINAL DE CONTRATO.

Á finalización do contrato de traballo a empresa estará obrigada a notificar o cesamento do traballador, por escrito e con 15 días de antelación á data de finalización ou extinción dos contratos de duración superior a unha ano.

A empresa entregará ao traballador a copia da liquidación con 3 días naturais de antelación ao cesamento.

Os traballadores que desexen cesar voluntariamente o seu servizo na empresa, estarán obrigados a poñelo en coñecemento da mesma cumprindo os mesmos prazos de preaviso que a empresa.

ART. 12.—COMPENSACIÓN CONTRATOS DE DURACIÓN DETERMINADA

No que se refire a este apartado remítese á lexislación vixente.

ART. 13.—EXTINCIÓN DO CONTRATO POR CAUSAS OBXECTIVAS

No que se refire a este apartado remítese á lexislación vixente.

ART. 14.—PROTECCIÓN DA MULLER

Recoñécese ás mulleres o seu dereito a respectala súa intimidade e a consideración debida a súa dignidade, comprendida a protección fronte ás ofensas verbais ou físicas de natureza sexual.

Nos casos de vítimas de violencia de xénero (acreditado), establecerase unha comisión composta por un membro do Comité de empresa e por un membro da empresa para tratalas posibles licenzas que se lle podan conceder.

Nos casos de embarazo, se as condicións de traballo puidesen aumentar o risco de aborto ou malformación, a traballadora terá dereito a cambialo posto de traballo que non implique un risco para a saúde da nai ou do seu feto, tomando en consideración as posibilidades técnicas organizativas da empresa. Igualmente terá dereito a acumulalos períodos de descanso pre e post parto que legalmente lle correspondan.

ART. 15. — PLURIEMPREGO

A empresa non poderá contratar en réxime de pluriemprego ou xornada reducida a aqueles traballadores que dispoñan doutra ocupación retribuída por xornada completa ou autónomos.

CAPÍTULO III. — CLASIFICACIÓN PROFESIONAL

ART. 16. — CATEGORÍAS PROFESIONAIS

Establécense os seguintes grupos profesionais:

GRUPO A	GRUPO B	GRUPO C	GRUPO D
Especialista de 4ª	Encargado	Auxiliar administrativo	Técnico de asistencia
Especialista de 3ª	Responsable de operacións	Administrativo	Técnico/diplomado
Especialista de 2ª	Coordinador Xeral	Oficial administrativo	Técnico especialistas
Especialista de 1ª			Enxeñeiro/licenciados
Esp. 1ª sub			
Responsable de quenda			

A mobilidade funcional no seo da Empresa non terá outras limitación máis cas esixidas polas titulacións académicas ou profesionais específicas para exercela prestación laboral ou a pertenza a un grupo profesional. A mobilidade funcional realizarase en todo caso co previsto no art. 39 do Estatuto dos Traballadores, tanto no referente á retribución como á duración máxima do exercicio de funcións de superior categoría sen consolidala categoría correspondente a estas, salvo que se trate, neste último caso, da substitución dun traballador con dereito á reserva do posto de traballo, o cal non xerará dereito á promoción da categoría de destino.

A tales efectos, entenderase como pertencentes o mesmo grupo profesional as seguintes categorías:

GRUPO A)- Especialista de 4ª, Especialista de 3ª, Especialista de 2ª, Especialista de 1ª, Esp. 1ª sub, Responsable de quenda.

Especialista de 4ª: Realizará tarefas que consisten en operacións realizadas seguindo un método de traballo preciso, con alto grao de supervisión, que normalmente exixen coñecementos xerais de carácter elemental e dun período breve de adaptación. Actividades sinxelas e rutineiras que requiran preferentemente esforzo físico ou atención, sen excesiva complexidade, e que teñan que ver coa selección, control, verificación, ensamblaxe e recuperación, almacenaxe e acondicionamento das pezas, compoñentes e accesorios. Manipulación básica da maquinaria ou ferramentas sinxelas previo proceso de formación e adaptación de pouca duración. Corresponderá esta categoría a aqueles traballadores de novo ingreso que non sexan contratados especificamente noutra categoría.

Especialista de 3ª: O anterior que ademais pode realizar traballos nos que o grao de supervisión é menor, polo que pode realizar traballos de maior complexidade que o especialista de 4ª como pode sela ordenación, recepción, realización de traballos co método de traballo específico ou concreto, traballos con ferramentas sen necesidade de formación previa específica agás a adquirida no período de adaptación, e ademais pode ter encomendadas as tarefas de explicar ós especialistas de 4ª as tarefas a realizar, así como outros especialistas de 3ª. Corresponderá esta categoría ós especialistas de 4ª con 12 meses de antigüidade e deberá permanecer nesta categoría durante 24 meses.

Especialista de 2ª: O anterior que ademais coa súa experiencia pode realizar traballos nos que o grao de supervisión é menor, co que pode realizar traballos de maior complexidade que o especialista de 3ª, traballos con máquinas sen necesidade de formación previa específica agás a adquirida no período de adaptación, e ademais pode ter encomendadas as tarefas de explicar ós esp., de 4ª, esp. de 3ª as tarefas a realizar, así como outros especialistas de 2ª. Corresponderá esta categoría ós especialistas de 3ª con 24 meses de antigüidade na dita categoría.

Especialista de 1ª: Ademais de todo o anteriormente exposto, pode ter encomendadas tarefas que se executen con instrucións concretas, claramente establecidas, con un alto grao de dependencia, que requiran unha especial habilidade, adecuados coñecementos profesionais e aptitudes prácticas,

adquiridas coa experiencia profesional. Ademais poden ter encomendadas tarefas organizativas de pequenos grupos de traballo, así como explicar as tarefas a realizar os especialistas de 4ª, 3ª, 2ª, como a outros especialistas de 1ª. Corresponderá esta categoría ós especialistas de 2ª con 1 ano de antigüidade na dita categoría.

Especialista de 1ª con funcións de subencargado: Ademais de tódalas anteriores, ten unha responsabilidade delegada sobre o resto de traballadores e sobre os traballos que desenvolven estes. Labores de control, inspección, ordenación, distribución de traballos que lle foron encomendados, así como a supervisión dos mesmos. A súa vez estará directamente subordinado a un encargado.

Responsábel de quenda: Inclúese nesta categoría os traballadores que ademais de telos coñecementos necesarios e imprescindíbeis para o desempeño do posto, previamente adquiridos, tanto coa súa formación como coa súa experiencia, realizan actividades que impliquen a responsabilidade dunha quenda de traballo ou unha liña de produción secundada por traballadores dun grupo profesional inferior. Realízanlas funcións de: integrar, coordinar e supervisar varias tarefas, coa responsabilidade de ordenar a execución do traballo, ordenación das tarefas e postos de traballo, responsabilidade de supervisión segundo especificacións xerais ou concretas recibidas, da execución práctica das tarefas, vixilancia e aplicación dos medios e medidas de seguridade.

GRUPO B)- Encargado, Responsábel de operacións, Coordinador Xeral.

Encargado: Inclúense nesta categoría os traballadores que ademais de teros coñecementos necesarios e imprescindíbeis para o desempeño do posto, previamente adquiridos, tanto coa súa formación como coa súa experiencia, realizan actividades que impliquen a responsabilidade dun ou varias quendas de traballo ou unha liña/s de produción secundada por traballadores dun grupo profesional igual ou inferior. Realiza as funcións de: integrar, coordinar e supervisar varias tarefas, coa responsabilidade de ordenar a execución do traballo, ordenación das tarefas e postos de traballo, responsabilidade de supervisión segundo especificacións xerais ou concretas recibidas, da execución práctica das tarefas, vixilancia e aplicación dos medios e medidas de seguridade.

Responsábel de operacións: É o que, con mando directo sobre o persoal e ás ordes da dirección, ten a responsabilidade do traballo e a disciplina e seguridade do persoal. Correspóndelle ás funcións de: integrar, coordinar, e supervisar varias tarefas dos Encargados, responsables de quenda e traballadores en xeral.

Coordinador xeral: O anterior, que ademais xestiona, supervisa e coordina a diferentes responsábel de operacións, implicando a responsabilidade sobre varios centros de de traballo.

GRUPO C)- Auxiliar administrativo, administrativo, oficial adminitrativo.

Auxiliar Administrativo: É a persoa que realiza tarefas auxiliares de administración, que poden ser de: arquivo, distribución da correspondencia, punteos, introducción de datos nas bases de datos, distribución de informes, xestión preestablecidas, presentación de documentos perante organismos oficiais e calquera outro de semellantes características, así coma tódalas relacionadas coa execución práctica destas tarefas ou que lle sexan encomendadas polos seus superiores.

Administrativo: O anterior que cos seus coñecementos e experiencia, realiza tarefas administrativas que requiren maior complexidade e menor supervisión. Realizará procesos administrativos de xestión completos, así coma tódalas relacionadas coa execución práctica destas tarefas ou doutras que lle sexan encomendadas por seus superiores.

Oficial Administrativo: É a persoa que ten coñecementos profesionais técnicos específicos e a suficiente experiencia para realizar procesos administrativos ou de xestión completos xa sexan na seccións de contabilidade, persoal, finanzas, clientes, provedores, xestión de stock, produción etc., con responsabilidade sobre a execución destes e os seus resultados; o seu labor require autonomía e iniciativa, podendo ser axudado por unha ou varias persoas.

GRUPO D)- Técnico de asistencia, técnico, técnico especialista, Enxeñeiro/licenciado.

Técnico de asistencia: inclúense nesta categorías ós traballadores cunha formación técnica específica de grao medio e uns coñecementos e preparación necesarios para a actividade a desenvolver, que poderá incluír tarefas de xestión de calidade de un ou varios clientes.

Técnico/diplomado: Terá esta categoría o traballador cunha formación mínima univerestaria específica de grao medio, e uns coñecementos e preparación necesarios para a actividade a desenvolver. Tamén corresponderá esta categoría ós traballadores con formación profesional de segundo grao que coa súa experiencia e preparación teñan capacidade e realicen os mesmos traballos que un técnico titulado. Poden executar operacións relacionadas coa produción, organización, calidade, mantemento ou outras tarefas de operacións auxiliares. Funcións de supervisión e coordinación.

Técnico especialista: Corresponderá esta categoría ós traballadores (Técnicos/diplomados) con un alto grao de autonomía, iniciativa e responsabilidade, que realizan tarefas técnicas complexas. Tamén corresponde a aqueles con responsabilidade directa sobre tarefas específicas, coordinación e supervisión de funcións, realizadas por un conxunto de colaboradores nunha mesma área funcional.

- Enxeñeiro superior/Licenciado.- Titulación universitaria de grao superior e que ademais realicen tarefas de supervisión e dirección técnica dun proceso, servicio ou conxunto de actividades. Tarefas técnicas de alta complexidade, iniciativa, autonomía, polivalencia e heteroxeneidade.

No caso de que por necesidade do traballo sexa necesario crear unha categoría nova, esta será incorporada a este convenio como anexo de acordo co comité de empresa.

CAPÍTULO IV.—TEMPO DE TRABAJO

ART. 17. —XORNADA DE TRABAJO

Durante a vixencia deste Convenio (2014, 2015 e 2016) a xornada laboral será de 1.776 horas en computo anual para os anos de vixencia do convenio.

A empresa, baseándose na premisa da nosa dependencia do cliente e dependendo das necesidades do mercado e da produción, proporá os días de adecuación da xornada, os cales se comunicarán ós representantes dos traballadores pero entendendo como prioritarias as premisas anteriores para a súa elaboración.

O traballador deberá presentarse en disposición de iniciala súa actividade no posto de traballo do seu centro de traballo, coa súa correspondente indumentaria, ó toque de sirena ou outro sistema establecido. A dita xornada será computada en consideración da iniciación do traballo no posto e a finalización deste, e non co concepto de entrada e saída do centro de traballo.

A fixación do horario de traballo será facultade da Dirección da Empresa, razoando o seu establecemento co comité de empresa ou cos traballadores, prevalecendo o criterio que supoña unha redución de custos, aumento de vendas, ou ben favoreza as necesidades estacionais da produción.

Estando distribuída a xornada por quendas, as partes pactan que por necesidades organizativas poden ser cambiados os traballadores de quenda e centro de traballo.

Poderanse practicar xornadas diferentes derivadas de contratos a tempo parcial. En caso de contratos a tempo parcial, fíxase como porcentaxe de horas complementarias, a realización das cales poderán ser requiridas pola empresa, o 60% da xornada ordinaria. Con carácter xeral, o prazo para a comunicación do día e a hora de realización das horas complementarias será de tres días, sen prexuízo de eventuais anormalidades e avarías ou circunstancias extraordinarias e urxentes que reducirán este prazo de preaviso o día anterior ata o máximo do 60%, e no mesmo día (ata 30 min. máis da xornada)

Como medidas para contribuir a flexibilidade interna da empresa, establécese a distribución irregular da xornada anual, así como o cómputo plurianual da xornada, denominado “Bolsa de horas”, o desenvolvemento da cal recóllese nun documento para o efecto.

ART. 18. — FESTIVOS

Durante a vixencia do convenio, establecerase como máximo os días festivos que con carácter nacional e local fixe o calendario publicado no Boletín Oficial do Estado (BOE), no Diario Oficial de Galicia (DOG) e no Boletín Oficial da Provincia de Pontevedra (BOP). Estarase en todo momento ao disposto pola Autoridade Laboral.

ART. 19. — HORARIO DE TRABAJO

A empresa exporá o calendario laboral pactado, que deberá conter o horario de traballo diario, xornadas, días de descanso e festivos correspondentes a cada ano natural.

ART. 20. — VACACIONES

As vacacións serán de 30 días naturais, poderanse dividir en dúas fraccións, que se gozarán preferentemente (unha das fraccións) entre os meses de xuño e de setembro, pero sempre atendendo ás necesidades dos nosos principais clientes.

Para a súa fixación terase en conta o calendario laboral dos nosos principais clientes.

Así e todo, se por causas conxunturais ou outras circunstancias a empresa se vise obrigada a paralizar a súa produción, ben por avarías ou por falta de subministración de materias primas, orixinado todo iso por unha forza maior, a empresa poderá fixar outra data distinta de vacacións á arriba apuntada, previo acordo cos representantes legais dos traballadores.

*CAPÍTULO V. — LICENZAS, EXCEDENCIAS E XUBILACIONES.**ART. 21. — LICENZAS*

O traballador, previo aviso e xustificación, terá dereito a permisos con dereito a remuneración durante o tempo e os supostos seguintes:

- a) 16 días naturais en caso de matrimonio do traballador/a (un día poderase gozar o día antes ao feito causante).
- b) Por nacemento de fillo: catro días naturais.
- c) Catro días naturais en caso de adopción ou acollemento.
- d) 10 días naturais en caso de falecemento de cónxuxe e fillos.
- e) 4 días naturais en caso de falecemento de pais e irmáns.
- f) 3 días naturais en caso de falecemento de netos e avós e 2 días naturais en caso de falecemento de pais políticos, fillos políticos e irmáns políticos.
- g) 4 días naturais no caso de enfermidade grave do cónxuxe e fillos (poderase incrementar en tres días máis no suposto que continúe hospitalizado, podendo elixir estes tres días mentres dure o feito causante), 3 días naturais en caso de enfermidade grave de pais e 2 días naturais en caso de enfermidade grave de avós, irmáns e netos
- h) 2 días no suposto de, accidente, enfermidade grave, ou intervención cirúrxica sen hospitalización que precise repouso domiciliario, de parentes ata o segundo grado de consanguinidades ou afinidade.
- i) Establécese unha comisión para o estudo das licenzas no suposto de adopción, enfermidade grave de cónxuxe, fillos e pais, co fin de posibilitar o incremento de días a conceder en función da necesidade de cada caso. Esta comisión estará composta por un membro do Comité e un membro da empresa
- j) 1 día natural no suposto de traslado de domicilio.
- k) Polo tempo indispensable para o cumprimento dun deber inescusábel de carácter público ou persoal. Cando conste nunha norma legal ou convencional un período determinado, estarase ao que dispoña en canto a duración da ausencia e á súa compensación económica.

- l) O día da voda en caso de matrimonio de pais, fillos, irmáns e irmáns políticos.
- m) O día do enterro en caso de falecemento de tíos e sobriños (por consanguinidade).
- n) No suposto de desprazamento fóra de Galiza concederanse dous días naturais máis nos casos c, d máis e (por consanguinidade). No caso f, un día natural máis no caso de avós e netos e dous días naturais máis no caso de fillos políticos, páis políticos e irmáns políticos. Nos casos c, d máis e (por consanguinidade) concederanse dous días naturais máis no suposto de desprazamento fóra de Europa.
- o) Todo o anteriormente exposto será de aplicación para as parellas de feito acreditadas e inscritas nos rexistros correspondentes.
- p) Dous días naturais con intervalo dun mes como mínimo sen xustificación pero con previo aviso do traballador á empresa e sen remuneración os devanditos días. Non deben coincidir con máis do 10% dos empregados e non deben estar relacionados con pontes ou períodos de vacacións.
- q) O tempo necesario en caso de consulta médica, coincidindo o horario de traballo coa consulta médica, debendo presentar o traballador o volante xustificativo.
- r) Estabelécese un límite de 22 horas anuais para asistir ó pediatra para os traballadores con fillos menores de 12 anos, a condición de que a cita coincida co horario de traballo. A licenza será polo tempo imprescindible, pero sempre co máximo de catro horas por cita.

Para os traballadores da quenda de noite (no que se refire a este artigo) considérase que coincide co horario de traballo as citas catro horas antes e despois do horario desta quenda (tamén terán un máximo de catro horas por cita)

ART. 22.—*SUSPENSIÓN CON RESERVA DE POSTO DE TRABAJO*

A suspensión afectará, en aplicación do art. 45 ao apartado 1.d) do E.T., nos seguintes supostos:

Maternidade, paternidade, risco durante o embarazo, risco durante a lactancia natural dun menor de nove meses e adopción ou acollemento, tanto preadoptivo como permanente ou simple, de conformidade co Código Civil o as leis civís das Comunidades Autónomas co regulen, sempre que a súa duración no sexa inferior a un ano, anque estes sexan provisionais, de menores de seis anos ou de menores de idade que sexan maiores de seis anos cando se trate de menores discapacitados o que por as súas circunstancias e experiencias persoais ou por provir do estranxeiro, teñan especiais dificultades de inserción social e familiar debidamente acreditadas por os servicios sociais competentes.

Será de aplicación o establecido no apartado 4 do art. 48 E.T. para suspensións por nacemento, adopción e acollemento e o establecido no apartado 5 do art. 48 do E.T. para suspensións por riscos durante o embarazo. Neste caso, a empresa complementará ata o 100% da base reguladora.

ART. 23.—*REDUCCIÓN DA XORNADA POR MOTIVOS FAMILIARES.*

- a) Permiso por lactación dun fillo menor de nove meses.

As traballadoras por lactación dun fillo menor de nove meses, terán dereito a unha hora de ausencia ao traballo, que poderá dividir en dúas fraccións. A muller, pola súa vontade, poderá substituír este dereito por unha redución da súa xornada normal nunha hora con esta mesma finalidade. Asimesmo poderá acumular o total de horas do permiso, disfrutando 13 días hábiles de forma ininterrompida. No caso de parto múltiple calcularase a proporción correspondente. Este permiso poderá ser gozado indistintamente pola nai ou o pai.

- b) Redución da xornada pola garda legal de menores e outros supostos:

En ampliación ao artigo 37.5 do E.T. quen por razóns de garda legal teña ao seu coidado directo algún menor de doce anos ou un minusválido físico, psíquico ou sensorial, que non desempeñe un actividade retribuída, terá dereito a unha redución da xornada de traballo, coa diminución proporcional do salario entre, polo menos, un oitavo e un máximo da metade da duración daquela.

Terá o mesmo dereito quen precise encargarse do coidado dun familiar, ata o segundo grao de consanguinidade ou afinidade, que por razóns de idade, accidente ou enfermidade non poida valerse por si mesmo, e que no desempeñe actividade retribuída.

A redución da xornada contemplada neste apartado constitúe un dereito individual dos traballadores, homes ou mulleres. Así e todo, se dous ou máis traballadores da mesma empresa xerasen este dereito polo mesmo suxeito causante, o empresario poderá limitar o seu exercicio simultáneo por razóns xustificadas de funcionamento da empresa.

A concreción horaria e a determinación do período de lactación e da redución da xornada, previstos nos parágrafos anteriores corresponderá ao traballador/a, dentro da súa xornada ordinaria. O traballador deberá preavisar o empresario con 15 días de antelación a data en que se reincorporará á súa xornada ordinaria.

ART. 24.—EXCEDENCIA POR COIDADADO DE FILLOS E FAMILIARES

No que se refire a este apartado remítese á lexislación vixente.

ART. 25.—EXCEDENCIAS

No que se refire a este apartado remítese á lexislación vixente.

ART. 26.—XUBILACIÓN

No que se refire a este apartado remítese á lexislación vixente.

ART. 27.—XUBILACIÓN FORZOSA

No que se refire a este apartado remítese á lexislación vixente.

ART. 28.—XUBILACIÓN PARCIAL

No que se refire a este apartado remítese á lexislación vixente.

CAPÍTULO VI.—SEGURIDADE E HIXIENE, E SAÚDE LABORAL

ART. 29.—SEGURIDADE E HIXIENE NO TRABALLO

Prevención de riscos laborais

ALSERVI, S.L., consciente da súa responsabilidade no ámbito industrial e persoal en relación co persoal, formula, como prioridades, a compatibilidade do seu obxectivo social coa calidade de vida de todos os traballadores, a mellora das condicións de traballo e a formación en materia preventiva dos riscos laborais e o respecto co medio ambiente. Para iso, ALSERVI, S.L. proverá dos medios precisos para o seu alcance en colaboración cos traballadores

A lei 31/1995, do 8 de novembro, e o seu desenvolvemento regulamentario, constrúese como norma básica de actuación para todas as partes implicadas en materia de Prevención de Riscos Laborais con independencia doutras normas ou compromisos que se poidan alcanzar coa representación dos traballadores.

Durante a vixencia deste Convenio establécese a seguinte:

- Co obxecto de analizar a situación e evolución de ALSERVI, S.L. en materia de prevención de riscos laborais, a Dirección reunirse co Comité de Seguridade e Saúde laboral trimestralmente, salvo causa de forza maior.
- Potenciarse as accións xerais de formación do persoal en materia de prevención de riscos laborais.

- O Comité de Seguridade e Saúde manterá reunións mensuais cos encargados dos diferentes centros sempre que o considere preciso. Nas devanditas reunións analizaranse as situacións observadas polos delegados de Prevención.
- O plan de formación da empresa incluírá a formación teórica e práctica suficiente en materia preventiva, tanto en aspectos xerais como específicos do posto de traballo.
- Ao persoal de novo ingreso facilitaráselle a formación e información necesaria en materia de prevención específica do posto de traballo.
- Potenciarase as accións precisas para asegurar a coordinación das actividades empresariais e a información dos riscos laborais nos traballos realizados por outras empresas
- Farase un plan de urxencia que conterá as medidas precisas de primeiros auxilios, loita contra incendios, evacuación do persoal en caso de urxencia. Formarase equipos de 1ª intervención e faranse simulacros de evacuacións.

ART. 30.—RECOÑECEMENTOS

A empresa está obrigada a realizar un recoñecemento médico anual como mínimo para todo o persoal, dentro da xornada laboral. Debido ás circunstancias especiais da empresa poderanse realizar os recoñecementos médicos fóra da xornada laboral coa compensación correspondente do tempo empregado.

O recoñecemento consistirá, como mínimo, en audiometría, control de vista, análise de sangue e ouriños, espirometría e exploración clínica e deberá facerse na medida do posíbel nos primeiros nove meses do ano.

ART. 31.—ROUPAS DE TRABALLO

A empresa dotará ao seu persoal das adecuadas pezas de traballo.

A empresa facilitará dúas mudas de roupa ao ano a todos os traballadores da empresa adecuada ao seu posto de traballo. A empresa dotará dun par de botas de seguridade aos traballadores e procederase á súa substitución cando a súa deterioración así o aconselle e de acordo co comité de empresa. A empresa facilitará o equipamento para os posíbeis traballos que deban realizarse á intemperie.

O persoal administrativo e técnico que así o solicite percibirá cada ano unha bata que o protexa do desgaste da súa propia roupa. Unha vez exercido este dereito polo empregado, dita a peza será de uso obrigatorio durante a xornada laboral.

Aos traballadores que realicen o seu traballo con lentes graduadas, a empresa proporcionaralles unhas, sempre que en razón do traballo que realice sufran algunha deterioración.

Se o traballador necesítase cristais correctores, proporcionaráselles lentes protectoras coa adecuada gradación a condición de que o traballo que realice o requira.

Os traballadores comprométense a manter a roupa de traballo no mellor estado posíbel e coa maior limpeza, non estando autorizados ao uso da mesma fóra das actividades que realice por conta da empresa.

Cando a índole nociva da actividade dos traballadores así o requira, cumprírase estreitamente as esixencias que respecto diso determina a Ordenanza Laboral de Seguridade e Hixiene (art. 141 ao 151) e a Lei de Prevención de Risco Laborais.

ART. 32.—CAPACIDADE DIMINUÍDA

Todos aqueles traballadores que por accidente de traballo, enfermidade profesional ou común de longa duración, con redución das súas facultades físicas ou intelectuais, sufran unha capacidade diminuída, terán preferencia para ocupar os postos máis aptos en relación ás súas condicións que existan na empresa, tendo en conta que exista unha vacante e que o traballador teña a cualificación requirida.

**CAPÍTULO VII.—PERCEPCIÓNS ECONÓMICAS
(CONCEPTO, ESTRUCTURA, COMPENSACIÓN E INDEMNIZACIÓN)**

ART. 33.—SALARIOS

Para o ano 2014, 2015 e 2016 os incrementos salariais serán os salarios da táboa salarial do anexo I.

ART. 34.—REVISIÓN SALARIAL

A revisión salarial para o ano 2014 realizarase a condición de que o IPC real a 31 de decembro do ano 2014 supere o 2,5% e ata un máximo dun 3%. A revisión realizarase a partir do mes que o IPC acumulado de este ano supere o 2,5%.

Para o ano 2015 realizarase a condición de que o IPC real a 31 decembro do ano 2015 supere o 2,5% e ata un máximo dun 3%. A revisión realizarase a partir do mes que o IPC acumulado de este ano supere o 2,5%, realizándose a revisión a partir de ese mes.

Para o ano 2016 realizarase a condición de que o IPC real a 31 decembro do ano 2016 supere o 2,5% e ata un máximo dun 3%. A revisión realizarase a partir do mes que o IPC acumulado de este ano supere o 2,5%.

Todas estas revisións aplicaranse sobre todas as categorías excepto a categoría de especilasta de 4ª, e sobre todos os conceptos da táboa salarial excepto o plus de premontaxe e as horas extras.

ART. 35.—PERCEPCIÓNS ECONÓMICAS: CONCEPTO

Considerarase salario a totalidade das percepcións económicas dos traballadores, en diñeiro ou en especie, pola prestación profesional dos servizos laborais por conta allea, xa retribúan o traballo efectivo, calquera que sexa a forma de remuneración, ou os períodos de descanso computábeis como de traballo. En ningún caso o salario en especie poderá superar o 30 por 100 das percepcións salariais do traballador.

Non terán consideración de salario as cantidades percibidas polo traballador en concepto de indemnizacións ou suplidos polos gastos realizados como consecuencia da súa actividade laboral, as prestacións e indemnizacións da seguridade social e as indemnizacións correspondentes a traslados, suspensións ou despedimentos.

ART. 36.—PERCEPCIÓNS ECONÓMICAS: ESTRUCTURA

1) As remuneracións económicas dos traballadores afectados por este convenio estarán constituídas por retribucións de carácter salarial e non salarial.

2) Retribucións salariais:

- a) *Salario base*: é parte da retribución do traballador fixada con carácter básico por unidade de tempo.
- b) *Complementos persoais*: son aqueles que se derivan das condicións persoais do traballador e que fosen valoradas ao fixar o salario base, tales como idiomas, etc.
- c) *Complemento de posto de traballo*: son aquelas cantidades que percibe o traballador en razón das características do posto de traballo ou do feito de realizar a actividade profesional, tales como nocturnidade, premontaxe ou seleccións e recuperacións de calidade.

Estes complementos son de índole funcional e a súa percepción depende exclusivamente do exercicio da actividade do posto de traballo asignado, polo que non teñen carácter de consolidábel.

- d) *Complementos de vencemento periódico superior ao mes*: existirán dúas pagas extraordinarias de devengo semestral, que se aboarán unha en xullo e outra en decembro. Tamén existe unha paga de devengo anual (dende xaneiro a decembro) que se aboará en setembro

O importe das gratificacións extraordinarias para o persoal que, en razón da súa permanencia na empresa, non teña dereito á totalidade da súa contía, será prorrateado segundo as normas seguintes:

- Os traballadores que ingrese ou cesen no transcurso de cada semestre natural, percibirá as gratificacións en proporción ao tempo de permanencia na empresa durante o semestre correspondente.
 - Os traballadores que presten os seus servizos en xornada reducida a tempo parcial, percibirán gratificacións extraordinarias no importe correspondente ao tempo efectivamente traballado.
- e) Melloras voluntarias: o réxime destas melloras voluntarias rexerase polo previsto en pacto individual ou como concesión unilateral polo empresario.
- 3) Percepcións extrasalariais: Terán carácter extrasalarial as percepcións calquera que sexa a súa forma, que non responda a unha retribución unida directamente, mediante vínculo casual, co traballo prestado. En todo caso terán este carácter os conceptos seguintes:
- Os capitais asegurados derivados de pólizas de vida ou accidente
 - As prestacións e os complementos e indemnizacións da Seguridade Social.
 - As indemnizacións ou suplidos por gastos que fosen realizados polo traballador como consecuencia da súa actividade laboral, tales como ferramentas e roupa de traballo, así como as cantidades que se aboan en concepto de axudas de custo, gastos de viaxe e locomoción, e aquelas de alugueiro e custo de vivenda que viñesen percibindo os traballadores.
 - As indemnizacións por cesamentos, mobilidade xeográfica, suspensións, extincións, resolucións de contrato ou despedimento e accidente de traballo ou enfermidade profesional.
- 4) Os complementos de salarios terán a consideración que as partes lle outorguen, e no suposto de dúbida, o que mellor se adapte á súa natureza dentro dos tipos sinalados no apartado 2), e sen que en ningún caso se poida cualificar como salario base.

ART. 37.—TÁBOA SALARIAL

Estabéllese unha táboa salarial de percepcións económicas mínimas garantidas pola xornada laboral ordinaria que será, para cada traballador, a que corresponda á súa categoría profesional ou nivel salarial, sen discriminación ningunha por razón de sexo, e que se conterán no anexo I, deste Convenio.

ART. 38.—DEVENGO DO SALARIO

- 1) O salario base devengarase durante todos os días naturais polos importes que, para cada categoría, figuren na táboa salarial.
- 2) Os pluses salariais do convenio devengarán por cada día efectivamente traballado polos importes que, para cada categoría, se fixen na táboa de percepcións económicas.
- 3) Os pluses extrasalariais do Convenio devengaranse por todos os días de asistencia ao traballo polos importes que, para cada categoría, se fixen na táboa de percepcións económicas.
- 4) As pagas extraordinarias devengaranse por días naturais da seguinte forma:
 - *Paga de xullo*: 1 de xaneiro ao 30 de xuño
 - *Paga de decembro*: 1 de xullo ao 30 de decembro
 - *Paga de setembro*: 1 de xaneiro ao 31 de decembro.
- 5) Na táboas de percepcións económicas farase constar para cada categoría o salario anual correspondente.

ART. 39.—PAGAMENTO DO SALARIO

A liquidación mensual das retribucións determinarase conforme á mensuralidade de 30 días para todo o persoal tanto de taller como de oficina.

Todas as percepcións, excepto as de vencemento superior ao mes, aboaranse mensualmente, por períodos vencidos e dentro dos cinco primeiros días do mes seguinte ao seu devengo, aínda que o traballador terá dereito a percibir quincenalmente anticipos nos que a contía non sexa superior ao 80% das cantidades devengadas e sempre que non coincidan no mesmo mes anticipos máis do 50% de traballadores do persoal

ART. 40.—SAÍDAS, AXUDAS DE CUSTO E VIAXES

Todos os traballadores que por necesidade da empresa e por orde do empresario teñan que efectuar viaxes ou desprazamentos que lle impidan realizar comidas ou pernoctacións no seu lugar habitual ou domicilio, terán dereito ás axudas de custo que veñen estipuladas nas táboas

Cando por necesidades da empresa e a requirimento desta e coa aceptación voluntaria daquel, tivese que se desprazar utilizando o seu propio vehículo, aboaranse durante a duración do Convenio as cantidades de táboas.

ART. 41.—PLUS DE ASISTENCIA

Establécese un plus de asistencia, para premiar a presenza continuada no traballo, que se devengará mensualmente e se pagará por día efectivamente traballado. Por cada día de traballo de falta descontarase a parte proporcional correspondente a ese día de traballo, que en cada un dos anos se calculará ao dividir a cantidade anual do plus de asistencia entre 222 días. No suposto de faltar un día sen xustificar perderíase o 100%. Este plus pagarase en 12 pagas.

ART. 42.—PLUS DE PREMONTAXE

Establécese un plus de posto de traballo específico para premontaxe. Este plus pagarase por día efectivamente traballado (de luns a venres) aos traballadores que efectivamente traballen neste posto. O plus pagarase en 11 pagas por meses vencidos. A cantidade mensual do plus dividirase entre os días hábiles do mes en curso e a cantidade resultante pagarase por cada día efectivamente traballado. Este plus queda conxelado coa cantidade do ano 2007.

ART. 43.—PLUS DE RESPONSABILIDADE, SUBRESPONSABILIDADE E COMPLEMENTO FUNCIONAL

A) Plus de responsabilidade

Percibirao o traballador que estea encadrado na categoría de Encargado e Responsábel de quenda e exerza efectivamente estas funcións (definición de categorías).

O encargado e o Responsábel de quenda non poderá ter baixo as súas ordes a traballadores cunha categoría superior á súa.

O plus será unha cantidade fixa, funcional e non consolidábel.

B) Complemento funcional

Percibirao o traballador que estea encadrado na categoría de Responsábel de quenda e exerza efectivamente estas funcións (definición de categorías).

O plus será unha cantidade fixa, funcional e non consolidábel.

C) Plus de subresponsabilidade

Percibirao o traballador que estea encadrado nesta categoría (definición de categorías).

Especialista de 1ª con funcións de subencargado.

O especialista de 1ª con funcións de subencargado non poderá ter baixo as súas ordes a traballadores cunha categoría superior á súa.

O plus será unha cantidade fixa, funcional e non consolidábel.

ART. 44.—GASTOS DE TRANSPORTE

Todo o persoal afectado polo presente convenio percibirá por día traballado e en concepto de gastos de transporte a cantidade que se establece na táboa salarial (anexo I).

ART. 45.—GRATIFICACIÓNS EXTRAORDINARIAS

Todo o persoal afectado por este convenio percibirá as seguintes gratificacións extraordinarias que se concederán na proporción ao tempo traballado.

- 1.— Entre o 10 e o 25 de xullo, 30 días de salario base. Esta paga devengarase dende o 1 de xaneiro ata o 30 de xuño
- 2.— Entre o 10 e o 20 de decembro, 30 días de salario base. Esta paga devengarase dende o 1 de xullo ata o 31 de decembro.
- 3.— Entre o 10 e o 25 de setembro, 30 días de salario base. Esta paga devengarase dende o 1 de xaneiro ata o 31 de decembro.

ART. 46.—BAIXAS POR ENFERMIDADE OU ACCIDENTE

- a) No caso de accidente laboral ou enfermidade profesional, a empresa complementará desde o primeiro día da baixa a prestación correspondente á Seguridade Social ata o 100% de todos os conceptos salariais.
- b) No caso de accidente non laboral ou enfermidade común, o mesmo que no apartado anterior no suposto de hospitalización (máis de 48 horas de hospitalización): nos demais casos, a partir do terceiro día complementarase ata o 100% do salario base.

Cando o período de vacacións fixado no calendario de vacacións da empresa coincida no tempo con unha incapacidade temporal derivada de embarazo, parto ou lactancia natural, ou co período de suspensión do contrato de traballo previsto no artigo 48.4 y 48.bis do E.T., terase dereito a disfrutalas vacacións nunha data distinta a da incapacidade temporal ou a de disfrute do permiso que por aplicación de dito precepto corresponderalle, o rematalo período de suspensión, aínda que non rematase o ano natural a que correspondan.

No suposto de que o período de vacacións coincida cunha incapacidade temporal por continxencias distintas as sinaladas no párrafo anterior que imposibilite o traballador disfrutalas, total ou parcialmente, durante o ano natural a que corresponden, o traballador poderá facelo unha vez finalice a súa incapacidade e sempre que non transcurran máis de dezoito meses a partir do final do ano no que se orixinaran.

ART. 47.—TRABALLO NOCTURNO

Considerarase traballo nocturno o que estea comprendido entre as 22 horas e as 06 da mañá.

Todos os traballadores que teñan dereito a percibir suplemento de nocturnidade percibirán unha bonificación do 25% sobre o seu salario base que figurará na táboa anexa.

ART. 48.—HORAS EXTRAORDINARIAS

Ante a grave situación do paro existente, co obxecto de favorecer a creación do emprego as partes asinantes deste Convenio acordan a conveniencia de reducir ao mínimo indispensable as horas extraordinarias de acordo cos seguintes criterios:

- A) Como política de empresa realizaranse as mínimas horas extraordinarias posibles para cubrir as necesidades urxentes dos nosos clientes, non superando en ningún caso as 80 horas anuais.
- B) Horas motivadas por forza maior, entendendo como tales as que veñen exixidas pola necesidade de reparar sinistros e outros danos extraordinarios e urxentes, así como no risco de perda de materia prima.

C) Horas extraordinarias estruturais: mantemento. Co fin de aclarar o concepto de horas extraordinarias estruturais, enténdese como tales as necesarias por períodos de punta de produción, pedidos imprevistos ou outras circunstancias de carácter estrutural derivadas da natureza do noso traballo. Todo iso sempre que non poidan ser substituídas por contratacións temporais ou a tempo parcial previstas na lei.

A dirección da empresa informará periodicamente ao Comité de empresa, sobre o nº de horas extraordinarias realizadas, especificando as causas e, se é o caso, a súa distribución por seccións. A empresa e os representantes legais dos traballadores determinarán o carácter e a natureza destes.

Para efecto do cómputo de horas extraordinarias, a xornada de cada traballador rexistraranse día a día e totalizaranse no período fixado para o aboamento das retribucións, entregando copia do resumo ao traballador no recibo correspondente.

O valor das horas extras establecerase na táboa anexa (anexo IV) e dividiranse en horas extraordinarias normais, nocturnas, de sábado mañá, sábado tarde, sábado noite, domingo ou festivos.

CAPÍTULO VIII.—Organización do traballo

ART. 49.—DEFINICIÓN E PRINCIPIOS XERAIS

Facultades da dirección da empresa e dos representantes dos traballadores.

A organización do traballo conforme ao prescrito neste convenio e na lexislación vixente, é facultade e responsabilidade da dirección da empresa.

A organización do traballo ten por obxecto o alcanzar na empresa un nivel adecuado de produtividade baseado na optimización óptima dos recursos humanos e materiais. Iso é posíbel cunha actitude activa e responsábel das partes integrantes; dirección e traballadores.

Tendo como principio o parágrafo anterior, os representantes dos traballadores terán funcións de orientación, proposta, emisión de informes, etc., no relacionado coa organización e racionalización do traballo, de conformidade coa lexislación vixente e de acordo co establecido neste convenio.

Nos supostos de modificacións, unha vez esgotado o período de consultas previsto no art. 41 do E.T., e de non alcanzar acordo neste, as partes deberán someterse ao procedemento de mediación do A.G.A.

CAPÍTULO IX.—Réxime disciplinario

ART. 50.—CÓDIGO DE CONDUCTA

Este acordo sobre o código de conducta laboral ten por obxecto o mantemento dun ambiente laboral respectuoso coa normal convivencia, ordenación técnica e organización da empresa, así como a garantía e defensa dos dereitos e lexítimos intereses dos traballadores e empresarios.

A dirección de empresa poderá sancionar as accións ou omisións culpábeis dos traballadores que supoñan un incumprimento contractual dos seus deberes laborais, de acordo coa gradación das faltas que se establecen nos artigos seguintes.

Corresponde á empresa, en uso da facultade de dirección, o impor sancións nos termos estipulados en seguinte acordo.

As sancións das faltas requirirá comunicación por escrito ao traballador, facendo constar a data e os feitos que a motivaron. Ao mesmo tempo a empresa informará os representantes legais dos traballadores de toda sanción por falta grave ou moi grave que se impoña.

Imposta a sanción, o cumprimento temporal da mesma poderase dilatar ata 60 días logo da data da súa imposición.

ART. 51. — GRADACIÓN DAS FALTAS

Toda falta cometida polos traballadores clasificarase en atención á súa transcendencia ou intención en: leve, grave e moi grave.

Faltas leves:

Considéranse como faltas leves as seguintes.

- A impuntualidade non xustificada na entrada ou na saída do traballo de ata tres ocasións nun período dun mes.
- A inasistencia inxustificada dun día de traballo no período dun mes.
- A non notificación con carácter previo ou, se é o caso, dentro das 24 horas seguintes, a inasistencia ao traballo por causa xustificada, salvo que se acredite a imposibilidade da notificación.
- O abandono do posto de traballo sen causa xustificada por períodos breves de tempo, se como consecuencia diso se ocasionase un prexuízo dalgunha consideración nas persoas ou nas cousas.
- As deterioracións leves na conservación e o mantemento dos equipos e o material de traballo do que se fose responsábel.
- A desatención ou falta de corrección no trato cos clientes ou cos provedores da empresa ou cos compañeiros.
- Discutir cos compañeiros, cos clientes ou cos provedores dentro da xornada de traballo.
- Non comunicar á empresa os cambios de residencia ou domicilio, sempre que estes poidan ocasionar algún tipo de conflito ou prexuízo para a empresa.
- Non comunicar coa puntualidade debida os cambios experimentados na familia do traballador/a que teña incidencia na Seguridade Social ou na Administración Tributaria.
- Todas aquelas faltas que supoñan un incumprimento de prescricións, ordes ou mandatos dun superior no exercicio regular das súas funcións, que non comporten prexuízos ou riscos para as persoas ou para as cousas.
- A inasistencia aos cursos de formación teórica ou práctica dentro da xornada de traballo sen a debida xustificación.
- A falta de aseo e hixiene persoal.

Faltas graves:

Considéranse como faltas graves as seguintes:

- A impuntualidade non xustificada na entrada ou na saída do traballo en máis de tres ocasións no período dun mes.
- A inasistencia inxustificada ao traballo de dous a catro días durante o período dun mes. Abondará cunha soa falta cando esta afectase á substitución dun compañeiro ou se como consecuencia da inasistencia se ocasionase prexuízo dalgunha consideración á empresa.
- O entorpecemento, a omisión maliciosa e o falseamento dos datos que tivesen incidencia tributaria ou na Seguridade Social.
- Entregarse a xogos ou distraccións de calquera índole durante a xornada de traballo de xeito reiterado e causando, con iso, un prexuízo ao desenvolvemento laboral.
- A desobediencia ás ordes e instrucións de traballo das persoas que se depende xerarquicamente no exercicio regular das súas funcións, sempre que iso ocasione ou teña unha transcendencia grave para as persoas ou as cousas.
- A omisión maliciosa e o falseamento dos datos que tivesen incidencia tributaria ou na Seguridade Social.

- A negligencia e a imprudencia no traballo de forma que afecte á boa marcha deste e cause un prexuízo grave á empresa.
- A falta de aseo ou limpeza persoal que produza queixas xustificadas dos compañeiros de traballo e sempre que previamente medie a oportuna advertencia por parte da empresa.
- A suplantación doutro traballador, alterando os rexistros e controis de entrada e saída do traballo.
- A negligencia ou desidia no traballo que afecte á boa marcha deste, sempre que diso non se derive prexuízo grave para as persoal ou para as cousas.
- A realización sen previo consentimento da empresa de traballos particulares, durante a xornada de traballo, así como o emprego de útiles, ferramentas, maquinaria, vehículos e en xeral, bens da empresa para os que non estivese autorizado ou para usos alleos aos do traballo encomendado, mesmo fóra da xornada laboral.
- A reincidencia na comisión de falta leve (excluída a puntualidade), aínda que sexan de distinta natureza, e sempre que mediase sanción, dentro dun trimestre.
- A embriaguez ou estado derivado de consumo de drogas durante o traballo.

Faltas moi graves:

Considéranse como faltas moi graves as seguintes:

- A impuntualidade non xustificada na entrada ou na saída de traballo en dez ocasións durante un período dun mes ou máis de vinte nun período dun ano.
- A inasistencia inxustificada ao traballo durante tres días consecutivos ou cinco alternos nun período dun mes.
- A fraude, deslealdade ou abuso de confianza nas xestións encomendadas ou a apropiación, furto ou roubo de bens propiedade da empresa, de compañeiros ou de calquera outras persoas dentro das dependencias da empresa, ou durante o traballo en calquera outro lugar.
- A simulación de enfermidade ou accidente. Entenderase que existe infracción laboral, cando estando de baixa o traballador por calquera das causas sinaladas, realice traballos de calquera índole, por conta propia ou allea. Tamén terá a consideración de falta moi grave toda manipulación efectuada para prolongar a baixa por accidente ou enfermidade.
- O abandono do servizo ou posto de traballo sen causa xustificada, aínda por un breve período de tempo, se como consecuencia do mesmo se ocasionase un prexuízo considerábel para a empresa ou para os compañeiros de traballo, poñéndose en perigo a seguridade ou fose causa de accidente.
- O quebrantamento ou violación de segredos de obrigada reserva que produza grave prexuízo para a empresa.
- A embriaguez habitual ou toxicomanía se repercute nas facultades físicas ou psicolóxicas no desempeño das funcións.
- O quebrantamento ou violación de segredos de obrigada confidencialidade da empresa.
- A realización de actividades que impliquen competencia desleal á empresa.
- A diminución voluntaria e continuada no rendemento do traballo normal ou pactado.
- Os malos tratos de palabra ou obra, a falta de respecto e consideración aos seus superiores ou os familiares destes, así como aos seus compañeiros de traballo, provedores e clientes da empresa.
- A reiterada non utilización dos elementos de protección en materia de seguridade e hixiene, debidamente advertida.
- A reincidencia ou reiteración na comisión de faltas graves, aínda que sexa de distinta natureza, sempre que as faltas se cometan nun período de dous meses tendo sido motivo de sanción.

- A desobediencia ás ordes e instrucións de traballo das persoas que se depende xerarquicamente no exercicio regular das súas funcións, e disto derivasen graves prexuízos para a empresa ou para os seus compañeiros de traballo, salvo que sexan debidos a un abuso de autoridade.
- Terán consideración de abuso de autoridade, os actos realizados polos Directivos, Xefes ou Mandos Intermedios, con infracción manifesta e deliberada dos preceptos legais, e con prexuízo para o traballador.
- Os atentados contra a liberdade sexual que se produzan aproveitándose dunha posición de superioridade laboral, ou se exerzan sobre persoas especialmente vulnerábeis pola súa posición persoal ou laboral.

ART. 52.—RÉXIME DE SANCIÓN. —SANCIÓN.

As sancións máximas que poderán imporse pola comisión das faltas enumeradas no artigo anterior, son as seguintes:

Por falta leve:

- Amoestación por escrito.
- Suspensión de emprego e soldo ata 2 días

Por falta grave:

- Amoestación por escrito.
- Suspensión de emprego e soldo de 3 a 20 días.

Por falta moi grave:

- Amoestación por escrito.
- Suspensión de emprego e soldo de 21 a 60 días.
- Despedimento disciplinario.

Prescripcións:

Dependendo da súa gradación, as faltas prescriben aos seguintes días:

- Faltas leves: 10 días
- Faltas graves: 20 días
- Faltas moi graves: 60 días

A prescripción das faltas sinaladas comezará a contar a partir da data en que a empresa tivo coñecemento da súa comisión e, en todo caso, aos seis meses de se ter cometido.

DEREITOS SINDICAIS.—FORMACIÓN

ART. 53.—ACCIÓN SINDICAL

Sen prexuízo do disposto na lexislación vixente, os traballadores gozarán das seguintes garantías sindicais:

- A empresa dará conta das novas contratacións que realicen os representantes legais dos traballadores.
- A empresa estará obrigada a ter un taboleiro de anuncios para a inserción de propaganda sindical. En canto á inserción desta, estarase ao disposto no E.T.
- Acordarase a acumulación mensual de horas sindicais nun ou máis representantes dunha mesma central sindical.
- Os representantes sindicais terán a posibilidade de acumular os días que non se utilicen en tres meses e despois perderanse, co crédito horario que marca a lei e no caso de acumular en varias xornadas consecutivas comunicarse con 3 días hábiles de antelación.

ART. 54.—FORMACIÓN

Cada traballador poderá asistir aos cursos de formación xeral por el decididos. Previa xustificación da súa matrícula, a empresa facilitará, na medida do posíbel, as xornadas para a realización dos devanditos estudos.

ART. 55.—FORMACIÓN PROFESIONAL

A empresa colaborará coas organizacións empresariais e sindicais para a realización de cursos de formación para os traballadores segundo o acordo de formación continua.

Aos traballadores que participen nun curso de formación continua teránselles en conta para efectos de promoción interna e o acceso a categorías superiores.

*CAPÍTULO XI.—COMISIÓN PARITARIA. LEXISLACIÓN SUBSIDIARIA**ART. 56.—LEXISLACIÓN SUBSIDIARIA*

En todo o non expresamente regulado por este convenio estarase ao previsto no E.T., aplicárase de forma subsidiaria o acordo de cobertura de baleiros resolución 13/05/97, así como disposicións legais vixentes ou que se poidan promulgar durante a vixencia do Convenio.

ART. 57.—COMISIÓN PARITARIA E DE VIXILANCIA

- 1.— Establécese unha comisión Paritaria do Convenio como órgano de interpretación, conciliación, e vixilancia do seu cumprimento e reestructuración. A comisión estará integrada por dous membros de cada parte dos que interveñan na negociación do convenio.

Ademais das competencias xerais de interpretación, aplicación e seguimento do convenio, e sen prexuízo das normas xerais de procedemento administrativo e procesual, a comisión Paritaria poderá funcionar a instancia de parte como órgano de mediación nos conflitos derivados da aplicación do convenio.

A comisión paritaria xuntarase con carácter ordinario a primeira quincena de cada trimestre a partir do asinamento do convenio, e con carácter extraordinario e a petición das partes, e previa convocatoria do Presidente desta nun prazo máximo de 72 horas.

- 2.— Ademais as competencias xenéricas que quedan sinaladas no precedente apartado 1, a comisión Paritaria entenderá as seguintes cuestións:
 - a) Os termos e condicións para o coñecemento e resolución das cuestións en materia de aplicación e interpretación do Convenio Colectivo, de acordo con previsto no art. 91 do Estatuto dos traballadores.
 - b) O desenvolvemento das funcións de adaptación e nos seu caso a modificación do Convenio durante a súa vixencia. Nese caso, deberán incorporarse a Comisión Paritaria a totalidade dos suxeitos lexitimados para a negociación, anque non foran asinantes do Convenio, sendo esixible a concorrencia dos requisitos previstos nos art. 87 e 88 do Estatuto dos Traballadores para que os acordos que se adopten posúan eficacia xeral.
 - c) Os termos e condición para o coñecemento e resolución das discrepancias tras a finalización do período de consultas en materia de modificación substancial das condicións de traballo ou no seu caso, a non aplicación do réxime salarial dos Convenios Colectivos, de acordo con establecido nos art. 41.6 e 82.3 do estatuto dos traballadores, respectivamente.
 - d) No suposto de que deixase de existir representación legal dos traballadores, a Comisión Paritaria desenvolverá as funcións que legalmente veñen atribuídas a aquela representación en materia de modificación substancial de condicións de traballo ou no seu caso a non aplicación do réxime salarial dos convenios colectivos

- 3.— Para o coñecemento de cuestión relacionadas no apartado precedente, reixerá o mesmo réxime de convocatoria sinalado no número 1 deste artigo. Convocada por calquera das partes, reunirse a Comisión Paritaria no prazo de 72 horas e, de non haberse chegado a un acordo en relación cas cuestión de carácter colectivo planeada dentro dos quince días seguintes a primeira reunión, quedan as partes asinantes en liberdade de someter a súas discrepancias o procedemento de solución de conflitos que se menciona nas Disposición Adicional Primeira deste Convenio

DISPOSICIÓN ADICIONAIS

DISPOSICIÓN ADICIONAL PRIMEIRA

Para a resolución pacífica dos conflitos laborais as partes asinantes deste Convenio, durante a súa vixencia, acordan someterse ás disposicións contidas no Acordo interprofesional galego sobre procedementos extraxudiciais de solución de conflitos colectivo de traballo (AGA) asinado entre a Confederación de Empresarios de Galicia (CEG) e as organizacións sindicais CCOO, UGT e CIG.

Ademais da previsión xenérica que contén o apartado anterior, de maneira específica acórdase que en todo caso someterase o arbitraje de equidade o previsto no AGA nas seguintes materias:

- 1.— A resolución efectiva das discrepancias que poidan surtir na negociación para a modificación substancial das condicións de traballo establecidas neste Convenio Colectivo e no seu caso para a non aplicación do réxime salarial previsto nos convenios colectivos
- 2.— A resolución efectiva das discrepancias existentes no seu caso tras o transcurso do prazo máximo legal da negociación do seguinte Convenio Colectivo sen alcanzarse un acordo entre as partes negociadoras
- 3.— Todas aquelas outras discrepancias de carácter colectivo que resulten do previsto no art. 57.2 deste Convenio e que as partes decidan someter o arbitraje.

DISPOSICIÓN ADICIONAL SEGUNDA

Tendo en conta as características da relación laboral da empresa que se desenvolve moi frecuentemente mediante o desprazamento aos centros de traballo das empresas clientes, os traballadores deberán expor calquera tipo de reclamación, petición e observación á dirección de ALSERVI, S.L., non debendo polo tanto atender ningún tipo de orde que non proveña directamente da dirección desta ou dos seus encargados (exceptuando as aclaracións e explicacións sobre o traballo en cuestión, polos técnicos da empresa na cal se realiza o traballo), debendo poñer en coñecemento da dirección calquera tipo de comunicación que poida recibir do persoal ou da dirección da empresa desprazada para efectos de tomar as decisións pertinentes.

DISPOSICIÓN ADICIONAL TERCEIRA

No caso de que un traballador faleza por un accidente de traballo, a empresa aboará á persoa que el decidise dúas mensualidades.

DISPOSICIÓN ADICIONAL CUARTA

Determinación das partes que o concertan.

O presente Convenio Colectivo de Alservi S.L. subscríbese, por parte da patronal por Miguel Lago Cereceda, Daniel Gomez Prieto e Ricardo Lopez Vazquez, e por os representantes dos traballadores Sesé Pérez Rodriguez (CIG), Daniel Emmenegger Calistro (CIG), Alvaro De Almeida Fernandez (CIG), Carlos Freire Iglesias (CC.OO), Saul Nemesio Vazquez Pedreira (CC.OO), Victor Sarabia Rodriguez (CC.OO), Sergio Pousa Mandado (CC.OO), David Pola Rodriguez (CC.OO), Jorge Daniel Cerqueira Estevez (UGT). As mencionadas partes constan, e recoñécense recíprocamente, ca representatividade requerida no Título III do Texto Refundido da Lei do Estatuto dos Traballadores e, polo tanto, con plena lexitimidade para

suscribir un Convenio Colectivo de empresa, neste sentido este Convenio Colectivo está dotado da eficacia xurídica e forza de obligar ca Constitución e la Lei lle confiren, incorporando con tal carácter a regulación das condicións laborais básicas de Alservi S.L. e os traballadores incluídos no seu ámbito de aplicación

DISPOSICIÓN ADICIONAL QUINTA

Todos os traballadores de alta na data da firma do convenio, manterán como referencia de ámbito de aplicación territorial do Convenio, os centros de traballo sitos na provincia de Pontevedra, aplicando para os traballadores contratados a partires da firma do convenio o ámbito de aplicación do artigo 1º. Os contratados a partires da firma do convenio para os centros sitos na provincia de pontevedra, terán esta referencia salvo acordo individual entre as partes.

DISPOSICIÓN ADICIONAL SEXTA

Para os anos 2014, 2015 e 2016 establécese a obrigatorioidade da realización dun curso anual de non máis de 4 horas de duración (fora da xornada de traballo) no que se aplicarán 8 horas na BHC no momento da súa realización (acordo Bolsa de horas). Ditos cursos pretenden melloral a cualificación dos traballadores, permitir a súa mobilidade funcional e empleabilidade dentro da empresa, así como a actualización os novos procedementos de traballo e as novas tecnoloxías.

Estes cursos poderánse anticipar ou pospoñer durante a vixencia deste convenio.

DISPOSICIÓN ADICIONAL SEPTIMA

Os traballadores que leven 24 anos de antigüidade na empresa, terán dereito a un día (cargarase na bolsa de horas individual) por cada ano a partires do vixésimo cuarto. Estos días utilizaranse para disfrutar antes da data da xubilación.

DISPOSICIÓN ADICIONAL OCTAVA

Durante a vixencia do presente convenio todos os empregados de Alservi estarán cubertos por unha póliza de seguros por falecemento, invalidez total, absoluta e gran invalidez. A cuantía da indemnización será de 20.000 euros.

Para o personal de nova incorporación, a póliza establecida neste convenio deberá contratarse no prazo dun mes dende a súa alta. Todos os traballadores facilitarán o nome da persoa beneficiaria.

A responsabilidade da Empresa, límitase a obrigaón de contratar a póliza de seguros, sin que en ningún caso teña que responder as obrigaón que de ela se deriven para a aseguradora.

Exclusiones:

- a) Las enfermedades, accidentes o falecimientos producidos a consecuencia del consumo de alcohol, drogas y estupefacientes,
- b) Los actos dolosos, negligencias del asegurado, así como las lesiones auto intencionadas, el suicidio o intento de suicidio.
- c) Quedan excluidas las actividades aeronáuticas. Asimismo se excluye la práctica de todo deporte a título profesional, remunerado o no remunerado, en competición o en entrenamientos preparatorios y las actividades de barranquismo, descenso de cañones, bungee jumping, montañismo, escalada, alpinismo, submarinismo, espeleología, puenting, así como otras similares de alto riesgo. También se excluyen las expediciones deportivas por mar, montaña o desierto.
- d) Accidentes por la práctica de esquí, ocurridos fuera de pistas o de zonas habilitadas.

DISPOSICIÓN TRANSITORIA PRIMEIRA

No momento da firma do convenio cargaranse 4 horas na bolsa de horas colectiva de cada traballador.

ANEXO I

GRUPOS	SB 2014		SB 2015		SB 2016	
GRUPO A	S.B. MES	S.B AÑO (15PAGAS)	S.B. MES	S.B AÑO (15PAGAS)	S.B. MES	S.B AÑO (15PAGAS)
RESPONSABLE DE QUENDA	1100,43	16506,51	1127,94	16919,17	1156,14	17342,15
ESP.1ª SUB	1100,43	16506,51	1127,94	16919,17	1156,14	17342,15
ESP.1ª	1100,43	16506,51	1127,94	16919,17	1156,14	17342,15
ESP.2ª	986,10	14791,53	1010,75	15161,32	1036,02	15540,35
ESP.3ª	953,69	14305,29	977,53	14662,92	1001,97	15029,50
ESP.4ª	840,92	12613,80	861,94	12929,15	883,49	13252,38

GRUPO B	S.B. MES	S.B AÑO (15PAGAS)	S.B. MES	S.B AÑO (15PAGAS)	S.B. MES	S.B AÑO (15PAGAS)
COORDINADOR XERAL	1200	18000,00	1230,00	18450,00	1260,75	18911,25
RESPONSABLE DE OPERACIÓNS	1184	17760,00	1213,60	18204,00	1243,94	18659,10
ENCARGADO	1164,50	17467,46	1193,61	17904,15	1223,45	18351,75

GRUPO C	S.B. MES	S.B AÑO (15PAGAS)	S.B. MES	S.B AÑO (15PAGAS)	S.B. MES	S.B AÑO (15PAGAS)
OFICIAL ADMINISTRATIVO	1100,43	16506,51	1127,94	16919,17	1156,14	17342,15
ADMINISTRATIVO	986,10	14791,53	1010,75	15161,32	1036,02	15540,35
AUXILIAR ADMINISTRATIVO	953,69	14305,29	977,53	14662,92	1001,97	15029,50

GRUPO D	S.B. MES	S.B AÑO (15PAGAS)	S.B. MES	S.B AÑO (15PAGAS)	S.B. MES	S.B AÑO (15PAGAS)
TÉCNICO DE ASISTENCIA	1164,50	17467,46	1193,61	17904,15	1223,45	18351,75
TECNICO/DIPLOMADO	1191	17865	1220,775	18311,625	1251,294375	18769,41563
TÉCNICO ESPECIALISTA	1230	18450	1260,75	18911,25	1292,26875	19384,03125
ENXEÑEIRO/LICENCIADO	1270	19050	1301,75	19526,25	1334,29375	20014,40625

PLUS Y COMPLEMENTOS FUNCIONALES (MES)	2014	2015	2016
PLUS RESPONSABILIDAD	248,27	254,48	260,84
COMPLEMENTO FUNCIONAL	64,06	65,67	67,31
PLUS DE SUBRESP.	92,79	95,11	97,48
PLUS DE ASISTENCIA	46,89	48,06	49,26
PLUS PREMONTAJE	38,23	38,23	38,23
PLUS DE TRANSPORTE	51,28	52,56	53,87

HORAS EXTRAS	2014	2015	2016
25% Y H.E. SABADO MAÑANA	11,15	11,25	11,35
25% TARDE Y H.E. NOCHE	11,6	11,6	11,6
H.E. DOM Y DON NOCHE	12,8	12,9	13
H.E. SABADO TARDE Y SAB. NOCHE	12,8	12,9	13
NORMAL	9,5	9,75	9,75

DIETAS Y KM	2014	2015	2016
DIETA COMPLETA	38	38	38
MEDIA DIETA	15,5	15,5	15,5
KM	0,28	0,285	0,29

As partes abaixo asinantes subscriben o Convenio Colectivo de Alservi S.L. para os anos 2014, 2015 e 2016, en Vigo a 14 de xullo de 2014.

En Vigo, a 14 de julio de 2014.—POR LA EMPRESA: Miguel Lago Cerceda, Daniel Gomez Prieto, Ricardo Lopez Vázquez.—POR EL COMITÉ DE EMPRESA: Victor Sarabia Rodríguez, Saul Nemesio Vazquez Pedreira, David Pola Rodriguez, Daniel Emmenegger Calistro, Carlos Jose Freire Iglesias Sesé Perez Rodriguez, Alvaro De Almeida Fernandez, Jorge D. Cerqueira Estevez, Sergio Pousa Madado

En Vigo, a 19 de setembro de 2014.—A Xefa Territorial, María Rita Peón Fernández. **2014008130**

CONSELLERÍA DE ECONOMÍA E INDUSTRIA

XEFATURA TERRITORIAL DE PONTEVEDRA

Resolución do 1 de outubro de 2014 da Xefatura Territorial de Pontevedra, de autorización administrativa, declaración, en concreto, de utilidade pública e a necesidade da urxente ocupación que leva implícita e de autorización administrativa de construción das instalación eléctricas que se describen no concello de COTOBADE (expediente IN407A 2014/102-4).

Visto o expediente para outorgamento de autorización administrativa, declaración, en concreto, de utilidade pública e a necesidade da urxente ocupación que leva implícita e de autorización administrativa de construción das instalacións eléctricas que a continuación se describen:

- *Solicitante:* ELÉCTRICA DE MOSCOSO SL.
- *Enderezo Social:* AVDA. DO CONCELLO 21, 36830 LAMA (A).
- *Denominación:* CENTRO DE MANOBRA CARBALLED0.
- *Situación:* COTOBADE.
- *Descricións Técnicas:* CENTRO DE MANOBRA EN EDIFICIO PREBABRICADO EQUIPADO CON: 2 CELAS DE INTERRUPTOR AUTOMÁTICO, 1 CELA DE ENTRADA E/OU SAÍDA DE LIÑA E CONDUCTORES DE ENTRADA E/OU SAÍDA. A INSTALACIÓN ESTÁ SITUADA EN A CHAN, CARBALLED0, COTOBADE

Realizouse o trámite de información pública inserindo anuncios no DOG do 17 de xullo de 2014, no BOP do 17 de xullo de 2014, no xornal Faro de Vigo do 31 de xullo de 2014 e no taboleiro de anuncios do concello de Cotobade. Tamén se notificou individualmente aos titulares dos predios afectados pola instalación según a relación facilitada pola empresa peticionaria. Durante o mencionado trámite non se recibiron alegacións.

En consecuencia, cumpridos os trámites ordenados na Lei 24/2013, do 26 de decembre, do Sector Eléctrico e nos Capítulos II e V do Título VII do Real decreto 1955/2000, do 1 de decembro, polo que se regulan as actividades de transporte, distribución, comercialización, subministro e procedementos de autorización de instalacións de enerxía eléctrica e na Resolución da Consellería de Economía e Industria do 19 de febreiro de 2014, pola que se aproba o procedemento de autorización administrativa de construción, DOG nº 54 do 19 de marzo de 2014, esta xefatura territorial

R E S O L V E :

Conceder autorización administrativa, autorización administrativa de construción e declarar, en concreto, a utilidade pública e a necesidade da urxente ocupación que leva implícita dos bens afectados pola devandita instalación, cuxas características se axustarán en tódalas súas partes ás que figuran no proxecto de execución e ás condicións técnicas e de seguridade establecidas nos regulamento de aplicación, e nos condicionados establecidos polos ministerios, organismos ou corporacións que constan no expediente.

Estas autorizacións outórganse sen prexuízo de terceiros e independentemente das autorizacións, licenzas ou permisos de competencia municipal, provincial ou outros necesarios para a realización das obras das instalacións autorizadas.